

鯨東角壯詩鈔

今體詩鈔

杜詩鈔卷之五

卽墨鄭杲學

題張氏隱居

春山無伴獨相求，伐木丁丁山更幽。
澗道餘寒歷冰雪，石門斜日到林丘。
不貪夜識金銀氣，遠害朝看麋鹿遊。
乘興杳然迷出處，對君疑是泛虛舟。

對雨書懷走邀許十一簿公

一作許主簿

東岳雲峯起溶溶，滿太虛。震雷翻幕薦驟雨，落河魚。座對賢人酒，門聽長者車。相邀愧泥濘，騎馬到階除。

已上人茅齋

舊注謂齊已非

已公茅屋下，可以賦新詩。
枕簟入林僻，茶瓜留客遲。
江蓮搖白羽，天棘

天門冬蔓高丈餘其葉如絲夢一作青絲空忝許詢輩難酬支遁詞

與李十二白同尋范十隱居

李白集有尋魯城北范居士詩

李侯有佳句往往似陰鏗余亦東蒙客憐君如弟兄醉眠秋共被攜手

日

一作月

同行更想幽期處還尋北郭生入門高興發侍立小童清落景

聞寒杵屯雲對古城向來吟橘頌誰欲討蓴羹不願論簪笏悠悠滄海情

登兗州城樓

東郡趨庭日南樓縱目初浮雲連海嶽平野入青徐孤嶂秦碑在荒城
魯殿餘從來多古意臨眺獨躊躇

前漢志東郡秦置屬兗州

父閑嘗爲兗州司馬鶴曰天寶九載改兗州爲魯郡乾元元年復

爲竟州

天寶初南曹小司寇舅於我太夫人堂下累土爲山一匱盈尺以代
彼朽木承諸焚香瓷甌甌甚安矣旁植慈竹蓋茲數峯嶽岑嬋娟宛
有塵外數

一本無
數字

致乃不知興之所至而作是詩

一匱功盈尺三峯意出羣望中疑在野幽處欲生雲慈竹春陰覆香鑪
曉勢分惟南將獻壽佳氣日氛氲

大母范陽太君盧氏天寶三載五月卒陳留郡之私第

龍門

卽伊
闕

龍門橫野斷驛樹出城來氣色皇居近金銀佛寺開往還時屢改川水
日悠哉相閱征途上生涯盡幾回

房兵曹胡馬詩

胡馬大宛名鋒稜瘦骨成竹批雙耳峻風入四蹄輕所向無空闊真堪託死生驍騰有如此萬里可橫行

畫鷹

素練風霜起蒼鷹畫作殊攬身思狡兔側目似愁胡條鏹光堪擣軒楹勢可呼何當擊凡鳥毛血灑平蕪

攬

禮部韻略挺也杜詩注攬猶竦也音苟勇切

條鏹

條廣韻編絲繩也鏹玉篇徐釗切轉軸裁器也

贈李白

秋來相顧尙飄蓬未就丹砂媿葛洪痛飲狂歌空度日飛揚跋扈爲誰雄

與任城許主簿遊南池

池在濟甯州境

秋水通溝洫城隅進小船晚涼看洗馬森木亂鳴蟬菱熟經時雨蒲荒

八月天晨朝降白露遙憶舊青氈

夜宴左氏莊

風林纖月落衣露淨琴張暗水流花徑春星帶草堂
檢書燒燭短看劍引盃長詩罷聞吳詠扁舟意不忘

箋引壯遊詩東下姑蘇臺已具浮海航此詩作于遊吳之後故聞

吳詠而起扁舟之興也

暫如臨邑至嵒

晉宅

山湖亭奉懷李員外率爾成興

鵲山湖在歷城東門外嵒乃鵲之誤

野亭逼湖水歇馬高林間鼉吼風奔浪魚跳日映山
暫遊阻詞伯却望懷青關靄靄生雲霧惟應促駕還

杜位宅守歲

守歲阿戎家椒盤已頌花盞簪喧櫪馬列炬散林鴉
四十明朝過飛騰

暮景斜誰能更拘束爛醉是生涯

杜位公之從弟宰相世系表位考功郎中湖州刺史困學紀聞林甫諸壻也四十明朝過年譜謂天寶十載時林甫在相位盍簪列炬其炙手之徒與又寄位詩近聞寬法離新州其流貶蓋以林甫故林甫傳云諸壻杜位等皆貶官

南史齊王思遠小字阿戎王晏之從弟也清介有識鑒隆昌之事嘗規切晏及晏貴盛與思遠兄思徵曰隆昌之際阿戎勸我自裁若從阿戎言豈得有今日思遠遽應曰果如阿戎言尙未晚也晏大怒後果及禍

晉書劉臻妻陳氏元旦獻椒花頌

贈高式顏

昔別是何處相逢皆老夫故人還寂寞削跡共艱虞自失論文友空知
賣酒壚平生飛動意見爾不能無

奉留贈集賢院崔于二學士

國輔
休烈

昭代將垂白途窮乃叫閭氣衝星象表詞感帝王尊天老書題目春官
驗討論倚風遺鷗路隨水到龍門竟與蛟螭雜空聞一作寧聞驚雀喧
青冥猶契闊陵厲不飛翻儒術誠難起家聲庶已存故山多藥物勝槩
憶桃源欲整還鄉旆長懷禁掖垣謬稱三賦在難述二公恩

舊唐書天寶末獻三大禮賦玄宗奇之召試文章授京兆府兵曹
參軍舊書玄宗紀天寶十載行三大禮新書本傳作十三載呂汲
公年譜因之皆誤也公雖待詔集賢召學官試文章然再降恩澤
止送隸有司參列選序故有青冥契闊之歎

官定後戲贈

不作河西尉淒涼爲折腰老夫怕趨走率府且逍遙
耽酒須微祿狂歌託聖朝故山歸興盡回首向風颺

對雪

戰哭多新鬼愁吟獨老翁亂雲低薄暮急雪舞回風
瓢棄樽無綠爐存火似紅數州消息斷愁坐正書空

月夜

今夜鄜州月閨中只獨看遙憐小兒女未解憶長安
香霧雲鬢濕清輝玉臂寒何時倚虛幌雙照淚痕乾

遣興

驥子好男兒前年學語時問知人客姓誦得老夫詩
世亂憐渠小家貧

仰母慈鹿門攜不遂鴈足繫難期
天地軍麾滿山河戰角悲儻歸免相
失見日敢辭遲

元日寄韋氏妹

近聞韋氏妹迎在漢鍾離
郎伯殊方鎮京華舊國移
春城回北斗郢樹發南枝
不見朝正使啼痕滿面垂

唐會要天寶六載勅中書門下奏
自今已後諸道應賀正使並取
元日隨京官例序立便見

春望

國破山河在城春草木深
感時花濺淚恨別鳥驚心
烽火連三月家書抵萬金
白頭搔更短渾欲不勝簪

一百五日夜對月

無家對寒食有淚如金波斫却月中桂清光應更多
低離放紅藥想像

嘯青蛾

晉作娥

牛女漫愁思秋期猶渡河

荆楚歲時記去冬至一百五日卽有疾風甚雨謂之寒食

喜達行在所三首

西憶岐陽信無人遂却回
眼穿當落日心死著寒灰
霧樹行相引蓮峯望忽開
所親驚老瘦辛苦賊中來

鳳翔府漢右扶風魏爲扶風郡後魏改岐州隋于州城內置岐陽宮岐陽縣在岐州東一百里

愁思胡笳夕淒涼漢苑春生還今日事間道暫時人
司隸章初覩南陽氣已新
喜心翻倒極嗚咽淚霑巾

死去憑誰報歸來始自憐
猶瞻太白雪喜遇武功天
影靜千官裏心蘇

七校前今朝漢社稷新數中興年

漢書京師有南北軍之屯至武帝平百越內增七校

得家書

去憑遊客寄來爲附家書今日知消息他鄉且舊居熊兒幸無恙驥子
最憐渠臨老羈孤極傷時會合疏二毛趨帳殿一命侍鸞輿北闕妖氛
滿西郊白露初涼風新過鴈秋雨欲生魚農事空山裏眷言終荷鋤

奉送郭中丞兼太僕卿充隴右節度使三十韻

英父

詔發西山將秋屯隴右兵淒涼餘部曲燁赫舊家聲鵬鶚乘時去驂騑
顧主鳴艱難須上策容易卽前程斜日當軒蓋高風卷旆旌松悲天水
冷沙亂雪山清和虜猶懷惠防邊不敢驚古來於異域鎮靜示專征燕
薊奔封豕周秦觸駭鯨中原何慘黷餘孽尙縱橫箭入昭陽殿笳吟細

柳營內人紅袖泣王子白衣行宸極祿星動園陵殺氣平空餘金碗出
 無復總帷輕毀廟天飛雨焚宮火徹明罨恩朝共落榆桷夜同傾三月
 師逾整羣胡勢就烹瘡痍親接戰勇決冠垂成妙譽期元宰殊恩且列
 卿幾時回節鉞戮力掃攬槍圭竇三千士雲梯七十城恥非齊說客祗
 似魯諸生通籍微班忝周行獨坐榮隨肩趨漏刻短髮寄簪纓徑欲依
 劉表還疑厭禰衡漸衰那此別忍淚獨含情廢邑狐狸語空村虎豹爭
 人頻墜塗炭公豈忘精誠元帥調新律前軍壓舊京安邊仍扈從莫作
 後功名

家聲

舊書英父知運之季子也知運為鄆州都督隴右諸軍節度大使自居西陲甚為蠻夷所憚開元九年卒于軍慘黷

按陸機功臣贊茫茫宇宙

陸機功臣贊茫茫宇宙內人侯鯖錄云唐梨園弟子以置院

春院謂之內人亦曰前頭人謂在上前也骨肉居數坊謂之內人

春院謂之內人亦曰前頭人謂在上前也骨肉居數坊謂之內人家有請俸其得幸者謂之十家故鄭嵎津陽門詩云十家三國爭

光
輝
罽
罽
黃朝英細素雜記唐蘇鶚演義罽罽織絲爲之輕疏浮虛象羅網交互之狀蓋宮殿簷戶之間

通鑑二月兵馬使郭英乂軍東原安守忠寇武功英乂戰不利矢貫其頤走王思禮退師扶風

送楊六判官使西蕃

送遠秋風落西征海氣寒帝京氛祲滿人世別離難絕域遙懷怒和親願結歡勅書憐贊普兵甲望長安宣命前程急惟良待士寬子雲清自守今日起爲官垂淚方投筆傷時卽據鞍儒衣山鳥怪漢節野童看邊酒排金盞胡歌捧玉盤草輕蕃馬健雪重拂廬乾慎爾參籌畫從茲正羽翰歸來權可取九萬一朝搏

和親

至德元載吐蕃遣使請和親願助國討賊二載拂廬吐蕃傳三月吐蕃遣使和親遣給事中南巨川報命

城號邏些城屋皆平頭高者數十尺貴人處于大氈帳名爲拂廬

月

天上秋期近人間月影清
入河蟾不沒搗藥兔長生
只益丹心苦能添白髮
明干戈知滿地休照國西營

行次昭陵

舊俗疲庸主羣雄問獨夫
讖歸龍鳳質威定虎狼都
天屬遵堯典神功協禹謨
風雲隨絕足日月繼高衢
文物多師古朝廷半老儒
直詞寧戮辱賢路不崎嶇
往者灾猶降蒼生喘未蘇
指麾安率土盪滌撫洪鑪
壯士悲陵邑幽人拜鼎湖
玉衣晨自舉鐵馬汗常趨
松柏瞻虛殿塵沙立暝途
寂寥開國日流恨滿山隅

喜聞官軍已臨賊寇二十韻

胡虜潛京縣官軍擁賊壕
鼎魚猶假息穴蟻欲何逃
帳殿羅玄冕轅門

照白袍秦山當警蹕漢苑入旌旄路失羊腸險雲橫雉尾高五原空壁
壘八水散風濤今日看天意遊魂貸爾曹乞降那更得尙詐莫徒勞元
帥歸龍種司空握豹韜前軍蘇武節左將呂虔刀兵器回飛鳥威聲沒
巨鼇戈鋌開雪色弓矢尙秋毫天步艱方盡時和運更遭誰云遺毒螫
已是沃腥臊睿想丹墀近神行羽衛牢花門騰絕漠胡羯渡臨洮此輩
感恩至羸俘何足操鋒先衣染血騎突劍吹毛喜覺都城動悲憐子女
號家家賣釵釧只待獻春醪

收京三首

仙仗離丹極妖星照玉除須爲下殿走不可好樓居

一作得非羣盜暫
起難作九重居

屈汾陽駕聊飛燕將書依然七廟略更與萬方初

生意甘衰白天涯正寂寥忽聞哀痛詔又下聖明朝羽翼懷商老文思

憶帝堯叨逢罪己日霑灑望青霄

趙汭引嵇康養生論積損成衰從衰得白從白得老

箋曰元宗內禪故目曰帝堯

天寶十五載八月上皇御蜀都府衙宣詔罪己赦天下

汗馬收宮闕春城鏟賊壕賞應歌杕杜歸及薦櫻桃雜虜橫戈數功臣
甲第高萬方頻送喜無乃聖躬勞

臘日

臘日常年暖尙遙今年臘日凍全消侵陵雪色還萱草漏洩春光有柳
條縱酒欲謀良夜醉還家初散紫宸朝口脂面藥隨恩澤翠管銀罌下
九霄

紫宸殿退朝口號